

# OPILLOPILLOPI OPILLOPILLOPA'

Uè caru Pascalinu, caru nunnu Tore  
lassati alli fili vosci lu modu de pensare  
e tie caru Narducciu quante notti ca nu  
dormi  
percé li patruni toi te schiaccianu comu  
vermi  
e tie caru Franciscu alla scola no' poi  
andare  
percé se sai qualcosa allu patruonu li face  
male

E non dicitu sempre mundu era e mundu ete  
se non ne domandamu in Vietnam ce sta succede  
ce sta succede in Cile, in Portogallo in Palestina  
ce sta succede all'Africa e a tutta l'Indocina  
lu mundu se riggira, lu mundu se ribbella  
percé ci nu fatica face sempre la vita bella  
lu mundu se ribbella, lu mundu se riggira  
percé ci fatica, nu porta mai na lira

Lu 1970 è già passato  
cantamu sta canzone per comu fu cantata  
ma tocca cu decimo scusate amici cari  
li problemi de allora su rimasti tali e quali  
prima erano italiani costretti ad emigrare  
osci su l'arbanesi ca traversanu lu mare  
de lu Maruccu all'Africa lu Senegal la  
Turchia  
li poveri caminanu ca cercanu la via

Opillopillopil opa  
bisogna pur lottare ma per la libertà

Confrontu a sti disastri non me pozzu lamentare  
ca a quista Italia nostra nu se more cchiù de fame  
de libertà se parla se continua mò a parlare  
la libertà al padrone si però de licenziare  
se la Democrazia Cristiana non c'è chiui  
'nc'è l'unto del Signore ca è scisu fino a quai  
e sta sinistra è bona sulu face opposizione  
ca cu ngarra na mossa pare tene lu terrore  
cu ste televisioni nu' se capisce niente  
programmi spazzatura scemuniscenu la gente

E quindi per finire ieu tocca cu bu dicu  
aggiu giratu u mundu qualche cosa aggu capitu  
aggiu giratu u mundu aggu visti fiacchi e boni  
lu cchiù pesciu de tutti ete lu Sirvio Berlusconi!